

اتوار 10 مئی، 2026

مضمون۔ آدم سے پاپی انسان

سنہری متن: 1 کرنتھیوں 15 باب 22 آیت

”تے جیویں آدم وچ سارے مر دے نیں اونج ای مسیح وچ سارے جیوندے کیتے جان گے۔“

جوابی پڑھائی: زبور 8 باب 1، 3 توں 6 آیتاں

زبور 17 باب 15 آیت

- 1۔ اے خداوند ساڈے رب! تیرا ناں ساری دھرتی اُتے کیسا بزرگ اے! تُو اپنا جلال اسمان اُتے قائم کیتا۔
- 3۔ جد میں تیرے اسمان اُتے جیہڑا تیری دستکاری اے تے چن تے تاریاں اُتے جنہاں نوں توں مقرر کیتا اے غور کردا واں۔
- 4۔ تے فیر انسان کیہ اے پئی تُو اوہنوں یاد رکھیں تے آدم زاد کیہ اے پئی تُو اوہدی خبر لوویں؟
- 5۔ کیوں جے تُو اوہنوں رب توں کجھ ای گھٹ بنایا اے تے جلال تے شوکت نال اوہنوں تاجدار کردا ایں۔
- 6۔ تُو اوہنوں اپنی دستکاری اُتے تسلط بخشیا اے۔ تُو سب کجھ اوہدے پیراں ہیٹھاں کر دتا اے۔

15 پر میں تے سچائی وچ تیرا دیدار حاصل کراں گا۔ میں جد جاگاں گا تے تیری
شباہت نال سیر ہونواں گا۔

درسی و عظ

بائبل وچوں

1- زبور 115 باب 15 آیت

15۔ تسی خداوند ولوں دهن او جنہے اسمان تے دھرتی نوں بنایا۔

2- پیدائش 1 باب 1، 2، 26 توں 28، 31 (توں پہلی۔) آیتاں

1۔ رب نے شروع وچ دھرتی تے اسمان نوں پیدا کیتا۔

2۔ تے دھرتی ویران تے سنسان سی تے گہراؤ اُتے ہنیرا سی تے رب دی روح
پانیاں اُتے جنبش کردی سی۔

26۔ فیر رب نے اکھیا پئی اسی انسان نوں اپنی صورت اُتے اپنی شبیہ وانگر
بنائے تے اوہ سمندر دیاں مچھیاں تے اسمان دے پرندیاں تے چوپائیاں تے
ساری دھرتی تے سارے جانداراں اُتے جیہڑے دھرتی اُتے رھڑدے نیں اختیار
رکھن۔

27-تے رب نے انسان نوں اپنی صورت اُتے پیدا کیتا۔ رب دی صورت اُتے
اوہنوں پیدا کیتا۔ نروناری اوہناں نوں پیدا کیتا۔

28-رب نے اوہناں نوں برکت دتی۔

31-تے رب نے سب اُتے جو کجھ اوہنے بنایا سی نظر کیتی تے ویکھیا پئی
بوہت چنگا اے۔

3- پیدائش 2 باب 1، 6، 7، 21، 22 آیتاں

1- ایس طراں اسمان تے دھرتی تے اوہناں دے گل لَشکر دا بنانا پورا ہوا۔

6- بلکہ دھرتی توں کُہر اُٹھدی سی تے ساری دھرتی نوں سیراب کردی سی۔

7- تے خداوند رب نے دھرتی دی مٹی نال انسان نوں بنایا تے اوہدے نتھنیاں وچ
حیاتی دا دم پھوکیا تے انسان جیوندی جند بنیا۔

21-تے رب نے آدم اُتے گہری نیند ر گھلی تے اوہ سوں گیا تے اوہنے اوہدیاں
پسلیاں وچوں اک نوں کڈھ کے اوہدی تھان گوشت بھر دتا۔

22-تے رب اوس پسلی توں جیہڑی اوہنے آدم وچوں کڈھی سی اک بُڈھی بنا
کے اوہنوں آدم دے کول لیا۔

4- پیدائش 4 باب 1، 2، 8 تا 10 (توں؟)، 11 (توں)، 16 آیتاں

1- تے آدم اپنی بُڈھی حوا دے کول گیا تے اوہ حاملہ ہوئی تے اوہدے قائن جمیا۔
تد اوہنے اکھیا مینوں خداوند ولوں اک مرد ملیا۔

2- فیر قائن دا بھرا ہابل جمیا تے ہابل بھیدان بکریاں دا چرواہا تے قائن کسان سی۔

8- تے قائن نے اپنے بھرا ہابل نوں کجھ آکھیا تے جد اوہ دونویں پیلیاں وچ سی تے اینج ہوئیا پئی قائن نے اپنے بھرا ہابل آتے حملہ کیتا تے اوہنوں مار سٹیا۔

9- تد خداوند نے قائن نوں آکھیا پئی تیرا بھرا ہابل کتھے آ؟ اوہنے آکھیا مینوں نئیں پتا۔ کیہ میں اپنے بھرا دا راکھا واں؟

10- فیر اوہنے آکھیا توں ایہہ کیہ کیتا؟ تیرے بھرا دا لہو دھرتی وچوں مینوں بلاؤندا اے۔

11- ہن توں دھرتی ولوں لعنتی بنیا۔ جنہے اپنا مونہہ کھولیا پئی تیرے ہتھوں تیرے بھرا دا لہو لووے۔

16- ایس لئی قائن خداوند دے سامنیوں نکل گیا تے عدن دے مشرق ول نور دے علاقے وچ جا وسیا۔

5- یسعیاہ 52 باب 1 (توں:)، 2، 3 آیتاں

1- جاگ جاگ اے صیون اپنی شوکت نال ملبس ہو! اے یروشلمیم پاک شہر۔

2- اپنے اتوں مٹی جھاڑ دے، اٹھ کے بیٹھ اے یروشلمیم! اے اسیر صیون دی دھی! اپنی دھون دے بندھن نوں کھول دے۔

3- کیوں جے خداوند آکھدا اے پئی تنسی مفت ویجے گئے تے تہانوں بغیر پیسیاں دے ہی آزاد کیتا جاوے گا۔

6- یسعیاہ 51 باب 3 آیت

3- یقینا خداوند صیون نوں تسلی دیوے گا۔ اوہ اوہدے سارے ویرانیاں دی دل داری کرے گا۔ اوہ اوہدا بیابان عدن وانگر تے اوہدا صحرا خداوند دے باغ وانگر بناوے گا۔ خوشی تے شادمانی اوہدے وچ پائی جاوے گی۔ شکر گزاری تے گانے دی آواز اوہدے وچ ہووے گی۔

7- متی 15 باب 21 توں 28 آیتاں

- 21- فیر یسوع اوتھوں نکل کے صور تے صیدا دے علاقیاں ول ٹر پیا۔
- 22- تے ویکھو اک کعنانی عورت اوہناں علاقیاں وچوں نکلی تے اوہنوں بلا کے آکھن لگی اے خداوند داؤد دے پتر میرے آتے رحم کر۔ اک بد روح میری دھی نوں بوہت ستاؤندی اے۔
- 23- پر اوہنے اوہنوں کجھ جواب نہ دتا تے اوہدے چیلیاں نے اوہدے کول آکے اوہدے آگے ایہہ عرض کیتی پئی اوہنوں جان دے کیوں جے اوہ ساڈے مگر چلاؤندی اے۔
- 24- اوہنے جواب وچ آکھیا پئی میں اسرائیل دے خانوادے دیاں گواچیاں ہوئیاں بھیدھاں توں علاوہ کسے ہور دے کول نئیں گھلیا گیا۔
- 25- پر اوہنے اوہنوں آکے سجدہ کیتا تے آکھیا، اے خداوند، میری مدد کر۔
- 26- اوہنوں جواب دے کے آکھیا منڈیاں دی روٹی لے کے گتیاں آگے پاؤنا چنگا نئیں۔
- 27- اوہنے آکھیا ہاں اے ربا کیوں جے گتے وی اوہناں ٹکڑیاں وچوں ای کھاندے نیں جیہڑے مالک دی چھابی وچوں ڈگدے نیں۔
- 28- ایس گل آتے یسوع نے جواب وچ اوس عورت نوں آکھیا تیرا ایمان بوہت وڈھا اے۔ جیویں تُو چاؤندی این تیرے لئی اونج ای ہووے تے اوسے ویلے اوہدی دھی نے شفا پائی۔

8- متی 12 باب 46 توں 50 آیتاں

46-جد اوہ جتھے نوں ایہہ اکھ رہیا سی تے اوہدی ماں تے بھرا باہر کھڑے سی تے اوہدے نال گل کرنا چاؤندے سی۔

47-کسے نے اوہنوں آکھیا ویکھ تیری ماں تے تیرے بھرا باہر کھڑے نیں تے تیرے نال گل کرنا چاؤندے نیں۔

48-اوہنے خبر دین والے نوں جواب وچ آکھیا کون اے میری ماں تے کون نیں میرے بھرا؟

49-تے اپنے چیلیاں ول ہتھ ودھا کے آکھیا ویکھو میری ماں تے میرے بھرا ایہہ نیں۔

50-کیوں جے جیہڑا وی میرے اسمانی پیو دی مرضی اُتے چلے گا اوہ ای میرا بھرا تے میری بہن تے میری ماں اے۔

9- امثال 26 باب 2 آیت

2- جیویں گوریا آوارہ پھردی اے تے ابابیل اڑاندی رہندی اے اوسے طراں ای بلا وجہ ای لعنت بے محل اے۔

10- گلٹیوں 3 باب 22 (پاک کتاب)، 27 توں 29 آیتاں

22۔۔۔ پاک کتاب نے ساریاں نوں پاپ دے بیٹھاں کر دیتا تاں جو اوہ وعدہ جیہڑا
یسوع مسیح اُتے ایمان لیاں اُتے موقوف اے ایمانداراں دے حق وچ پورا کیتا
جاوے۔

27۔ تے تسی سارے جنہاں نے مسیح وچ شامل ہون دا بیٹسمہ لیا مسیح نوں پا
لیا اے۔

28۔ نہ کوئی یہودی رہیا نہ یونانی۔ نہ کوئی غلام نہ آزاد۔ نہ کوئی بندہ نہ کوئی
بڈھی کیوں جے تسی سارے مسیح وچ اک او۔

29۔ تے جے تسی مسیح دے او تے ابراہام دی پیڑی تے وعدے دے مطابق
وارث او۔

11۔ گلتیوں 4 باب 6، 7 آیتاں

6۔ تے کیوں جے تسی پتر او ایس لئی رب نے اپنے پتر دا روح ساڈے دلاں وچ
گھلایا جیہڑا ابا یعنی اے باپ آکھ کے پکاردا اے۔

7۔ ایس لئی ہن تو غلام نئیں پتر این تے جد پتر ہوئیا تے رب دے راہیں وارث
وی ہوئیا۔

سائنس تے صحت

1۔ 7-5: 591

انسان، لامحدود روح دا مرکب خیال، رب دی روحانی صورت تے شبیہ؛ سیان
دا پورا نمائندہ کار اے۔

2- 502: 23-22، 5-27

پیدائش 1 باب 1 آیت رب نے شروع وچ دھرتی تے اسمان نوں بنایا۔

تخلیقی اصول، حیاتی، سچیائی تے محبت رب اے۔ سنسار رب دی عکاسی کردا
اے۔ اک خالق تے اک تخلیق دے علاوہ ہور کجھ نئیں۔ ایہہ تخلیق روحانی خیالات
تے ایہناں دیاں پچھاناں دے ظاہر ہون تے مشتمل اے، جیہڑے لامحدود سیان
دے دامن نال جڑے نیں تے ہمیشہ منعکس ہندے نیں۔ ایہہ خیال محدود توں
لامحدود تیکر وسیع نیں تے بوہت اچے خیال رب دیاں دھیاں تے پتر نیں۔

3- 517: 14-7

سیان دی حیاتی دین والی خصلت روح اے، نہ کہ مادہ۔ مثالی انسان تخلیق دے
نال، ذہانت دے نال تے سچیائی دے نال مطابقت رکھدا اے۔ الہی سائنس وچ
ساڈے کول رب نوں مذکر سمجھن دا اوہ اختیار نئیں اے جیہڑا اوہنوں مونٹ
سمجھن دا نئیں اے، کیوں جے پیار دیوتا دا واضح تر خیال پیش کردا اے۔

4- 267: 18-13

مسیحی سائنسدان سمجھدے نیں پئی مذہبی لحاظ نال، اوہناں دے کول اپیلی ماں لئی اوہ ای اختیار نیں، جیویں بہن بھرا لئی نیں۔ یسوع نے آکھیا، ”کیوں جے جیہڑا کوئی میرے اسمانی پیو دی مرضی آتے تھے اوہ ای میرا بھرا تے میری بہن تے ماں اے۔“

5- 528: 9-12 اگلا صفحہ

پیدائش 2 باب 21، 22 آیتاں۔ تے خداوند رب نے آدم آتے گہری نیندر گھلی تے اوہ سوں گیا تے اوہنے اوہدیاں پسلیاں وچوں اک نوں کڈھیا تے اوہدی تھان گوشت بھر دتا۔ تے خداوند رب اوہدی پسلی وچوں جیہڑی اوہنے آدم وچوں کڈھی سی اک بڈھی بنا کے اوہنوں آدم دے کول لیا۔

ایتھے جھوٹ، غلطی، سچپائی یعنی رب نوں کریڈٹ دیندے نیں، آدم وچ نیندر یا سموہن دی کیفیت پیدا کر کے ایہدے آتے جراحی دا اپریشن کیتا جاوے تے اینج بڈھی پیدا کیتی جاوے۔ ایہہ مقناطیسیت دا پہلا ریکارڈ اے۔ تخلیق دا شروع لو دی بجائے ہنیرے توں، روحانی دی بجائے مادی طور تے، غلطی ہن سچپائی دے کم دی نقل کردی اے، پیار دا مذاق اڑاندی اے تے ایہہ دس دی اے پئی غلطی نے کیہڑا وڈھا کم کیتا اے۔ اپنیاں چنگیاں تخلیق نوں ویکھ کے تے اوہناں نوں اصلی تے رب دیاں دتیاں ہوئیاں آکھ کے، آدم عرف غلطی، اوہناں نوں نال دیندا اے۔ ایہدے بعد اوہ آپ نیوں بنن والا اے۔ بڈھی تے اوہدی اپنی نوعیت دی تخلیق۔ اوہناں نوں انسان آکھدے نیں، یعنی اک طراں دا بندہ۔

پر ایس حکایت دے مطابق، سرجری پہلاں ذہنی طور تے سامان دے بغیر سی۔ تے ایہہ میڈیکل دے لوکاں لئی اک چنگا اشارہ ہو سکدا اے۔ بعد وچ انسان دی تاریخ وچ جد نمونہ پھل اپنی نوعیت دا پھل لیا رہیا سی تے ایس طریقے وچ تبدیلی دی صلاح آئی پئی بندہ بڈھی توں جمنناں چاہیدا اے، بڈھی نوں دوبارہ

بندے وچوں نئیں لینا چاہیدا۔ ایہہ وی سامنے آیا پئی انساناں دی پیدائش وچ مدد
لئی سامان دی لوڑ سی۔ صلاح کار آتے سوتی دا پہلا نظام بدل گیا۔ اک ہور
تبدیلی انسان دی فطرت تے ابتدا دے بارے وچ آوے گی، تے ایہہ انکشاف ہستی
دے سفنے نوں تباہ کردیوے گا، اصلیت نوں بحال کردیوے گا، سائنس تے تخلیق
دی شاندار اصلیت دا آغاز کرے گا، پئی بندہ تے بڈھی دونویں رب ولوں آگاں
ودھدے نیں تے اوہدے ابدی بال نیں، جنہاں دا رشتہ ماں پیو توں گھٹ نئیں اے۔

-6 532:7-5، 10-12

سارے انسانی علم تے مادی احساس بدنی پنج حسان توں حاصل کیتے جانے
چاہیدے نیں۔ جے ایس علم دا پہلا پھل کھان نال موت آئی، تے کیہ ایہہ علم
محفوظ اے؟۔۔۔ آدم تے اوہدی پیڑی آتے لعنت کیتی گئی، نہ پئی برکت دتی گئی؛
تے ایہہ اشارہ کردا اے پئی الہی روح، یا پیو، مادی انسان دی مذمت کردا اے
تے اوہنوں مٹی وچ ملا دیندا اے۔

-7 338:32-27

یہواہ نے ایہہ اعلان کیتا پئی دھرتی ملعون سی؛ تے ایس دھرتی یا مادے توں
آدم نے جنم لیا، فیر وی رب نے ”انسان دی خاطر“ دھرتی نوں برکت دتی۔
ایہدے بعد ایہہ گل سامنے آئی پئی آدم اوہ مثالی انسان نئیں سی جیدے پاروں
دھرتی نوں برکت دتی گئی سی۔ مثالی انسان اپنے ویلے آتے ظاہر کیتا گیا، تے
اوہنوں یسوع مسیح دے طور تے جانیا جاندا سی۔

-8 21:345-25، 5-31

کوئی وی بندہ جیہڑا رب دے خیال تے وچاری انسانیت دے وچکار عدم مطابقت
نوں سمجھن دے قابل اے، اوہنوں رب دے انسان، جیہڑا اوہدی صورت اتے بنایا
گیا اے، تے آدم دی پاپ کرن والی نسل دے وچکار فرق نوں (جو کرسچن سائنس
نے کیتا) سمجھن دے قابل ہونا چاہیدا اے۔

”رب دے تصور دی تعلیم دینا، یا ایہدے نال بیماری دا علاج کرنا“، ایہہ کرسچن
سائنس دا مقصد نئیں اے، جیویں پئی اک نقاد نے الزام لایا اے۔ مینوں افسوس
اے پئی اجیہی تنقید انسان تے آدم وچ گڑبڑ پیدا کردی اے۔ انسان دے بارے
آکھیا جاندا اے پئی اوہ رب دی صورت اتے پیدا کیتا گیا اے، تے ایہہ اک پاپی تے
بیمار فانی انسان نئیں اے بلکہ اک مثالی انسان اے جیہڑا رب دی صورت دی
عکاسی کر دا اے، جیدا حوالہ دتا جا رہیا ہندا اے۔

9. 306:30-6

رب دا انسان، جنہوں روحانی طور تے بنایا گیا اے، مادی یا فانی نئیں اے۔

سارے انسانی اختلافان دی ولدیت آدم دا سَنفناں سی، گہری نیندر، جیدے وچ
حیاتی تے اوہدی ذہانت دا مان پیدا ہوئیا جیہڑا مادے توں نکلیا تے لنگیا۔ ایہہ
مشرکانہ غلطی، یا جنہوں سب آکھیا جاندا اے ہلے وی سچپائی دے خلاف
اصرار کردا تے آکھدا اے، ”تسی رب وانگر ہو جاؤ گے“، یعنی میں غلطی نوں
سچپائی وانگر اصلی تے ابدی بنا دیواں گا۔

10. 30:25-19

سچپائی دے انفرادی نمونے دے طور تے، یسوع مسیح ربونی غلطی تے سارے پاپ، بیماری تے موت نوں رد کرن آیا، تاں جو سچپائی تے حیاتی دی راہ ہموار کرے۔ روح دے پھلاں تے مادی فہم، سچپائی تے غلطی دے وچکار فرق نوں واضح کردیاں ہوئے، ایہہ نمونہ یسوع دی پوری زمینی حیاتی دے دوران ظاہر ہندا رہیا۔

11- 332: 29-26

مریم دا اوہنوں حمل وچ لینا روحانی سی، کیوں جے بس پاکیزگی ای سچپائی تے پیار نوں روشن کر سگدی اے، جیہڑی واضح طور تے نیک تے پاک مسیح یسوع وچ مجسم ہو جاندی اے۔

12- 316: 11-2

انسان اوہدے توں ایہہ سکھ سکدے نیں پئی بریائی توں کیویں بچیا جاوے۔ حقیقی انسان دا سائنس دے پاروں اپنے خالق نال تعلق استوار کردیاں ہوئیاں، انسان نوں صرف پاپ توں دور ہوون تے مسیح، یعنی حقیقی انسان تے رب دے نال اوہدے تعلق نوں پاون تے الہی فرزندگی نوں پچھانن لئی فانی خودی توں نظر ہٹاون دی لوڑ اے۔ مسیح یعنی سچپائی یسوع دے پاروں ظاہر ہوئی، بدن اُتے روح دی طاقت نوں ثابت کرن لئی تے ایہہ دکھاون لئی پئی سچپائی بیمار نوں شفا دیندیاں تے پاپ نوں تباہ کردیاں ہوئیاں انسانی سیان تے بدن اُتے اوہدے اثران دے پاروں ظاہر بندی اے۔

13- 171:8-4 (توں چوتھا،)

مادیت دے روحانی مخالف دی سیان دے راہیں، ایتھے تیکر پئی مسیح، سچائی
دے راہیں انسان جنت دے بوہیاں نوں الہی سائنس دیاں کنجیاں نال دوبارہ کھولے
گا جنہاں دے بارے انسان سمجھدا اے پئی اوہ بند ہو گئے نیں، تے اپنے آپ نوں
بے گناہ، نیک، پاک، تے آزاد ویکھے گا۔

14- 30-25:14

مادی حیاتی دے عقیدے تے سفنے توں بالکل وکھری، الہی حیاتی اے، جیہڑی
روحانی فہم تے ساری دھرتی اُتے انسان دی حکمرانی دی سیان نوں ظاہر
کردی اے۔ ایہہ فہم غلطی نوں باہر کڈھدا اے تے بیمار نوں شفا دیندا اے، تے
ایہدے نال تسی ”صاحب اختیار و انگر“ گل کر سگدے او۔

روزانہ دے فرض

میری بیکر ایڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری
بادشاہی آوے؛“ الہی سچائی، حیاتی تے پیار دی سلطنت میرے اندر قائم ہووے، تے
سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے
اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصدان تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصدان یا کماں اتے اثر نئیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچپائیاں دا پرچھانواں بن دا اے۔ ایس چرچ دے سارے رکنان نوں سارے پاپاں توں، غلط طراں دیاں پیشن گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہیدا اے تے دعا کرنی چاہیدی اے۔

چرچ مینوئیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہدے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔